

Zastupnik u Skupštini Kantona Sarajevo

Elvis Vreto

29. Radna sjednica

Sarajevo, 28.09.2020. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministarstvo saobraćaja
Ministarstvo unutrašnjih poslova

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu

upućujem inicijativu za preventivnu akciju besplatne registracije bicikala/vođenje registra s ciljem prevencije od krađa. Za vrijednost kupljenog bicikla iznad 150.00 KM.

Objasnenje

Shodno razvoju i napretku civiliziranog društva, svakodnevno dolazi do novih potreba i novih oblika djelovanja, pa tako i u policiji, a sve za dobrobit društvene zajednice. Kulturni i socijalni dosezi biciklizma u gradu nisu zadovoljavajući u smislu izgradnje biciklističkih staza, ali je i primjetan godišnji rast. Iako Kanton Sarajevo nema dovoljno kilometara izgrađenih biciklističkih staza stanovnici Kantona Sarajevo svakodnevno koriste bicikl kao prijevozno sredstvo kojim zadovoljavaju svoje potrebe kako za kretanjem, tako za rješavanje životnih potreba (odlazak na posao, u školu i drugo). Međutim, evidentna je činjenica da je česta pojava krađa bicikala u Kantonu Sarajevo. Stoga osnovna svrha projekta bi bila smanjenje broja kaznenih djela krađa bicikala i iznosa nastale materijalne štete te samim time i utjecaja istih na svijest građana o stanju sigurnosti. Kako bi se ispunila vrha projekta neophodno je započeti određene aktivnosti u smislu prevencije poput:

1. besplatna registracija bicikala te izrada kvalitetnih naljepnica sa oznakom i evidencijskim brojem koje bi se lijepile na vidljivo mjesto na biciklu sa ciljem odvratanja počinitelja od krađe evidentiranog bicikla, za vrijednost kupljenog bicikla iznad 150.00 KM
2. izrada registra podataka bicikala po evidencijskom broju stiker naljepnice sa podacima o biciklu i vlasniku,
3. izrada letaka sa podacima o projektu,
4. izrada plakata većih i manjih dimenzija sa podacima o projektu,
5. upoznati sve trgovce biciklima sa aktivnostima o projektu i od istih zatražiti suradnju,
6. putem medija i interneta upoznati javnost s vrstama i pojavnim oblicima kaznenih djela imovinskih delikata koji se odnose na krađu bicikala,
7. upoznavanje zajednice s načinima prevencije kroz mogućnost suradnje građana i policije te ulogom registracije bicikala,
8. informiranje građana o zakonskim posljedicama krađe bicikla,

Skenderija br. 5, 71000 Sarajevo E-mail: info@narodipravda.ba

Telefon: +387 33 860 860 ID: 4202505180000 Šifra djelatnosti: 94.92

Račun br. Raiffeisen Bank: 1610000197720058

Provođenjem projekta, a posebice kroz besplatnu registraciju bicikala osigurat će se nezainteresiranost za krađu registriranih bicikala radi korištenja ili prodaje jer za takav bicikl policija lako može utvrditi vlasnika. Primarni cilj je odvraćanje počinitelja od krađe bicikala, a sekundarni da ukoliko do krađe i dođe, policija o takvom biciklu raspolaže sa što više podataka koji bi doveli do pronalaska istog. U konačnici pojačan rad policije doprinijet će svijesti građana, a posebice onih oštećenih kaznenim djelom krađe bicikla da se po ovom problemu pojačano radi, te da je potreban angažman cjelokupne zajednice na rješavanju ovog problema. Nadalje, podići će se svijest kod pripadnika cjelokupne društvene zajednice da postoje mjesta i osobe kojima se uvijek mogu obratiti za pomoć, ili savjet. Navedene aktivnosti provesti uz podršku i saradnju sa lokalnim zajednicama i trgovcima-prodavcima koje trebaju biti dijelom provođenja aktivnosti kako u finansijskom tako i u administrativnom dijelu.

S poštovanjem

Elvis Vreto

Zastupnik u Skupštini Kantona Sarajevo